

## Gairm gu Ùrnaigh: Latha na Sàbaid 22 dhen Lùnastal 2021 Ùrnaigh aig 7f

Càite an tèid sinn gus freagairtean a lorg air na ceistean a tha againn anns na làithean seo? Tha na ceistean pailt, ach 's gann gun lorg sinn freagairt furasta. Tha e na dubhlan dhuinn freagairtean firinneach a shireadh ged a tha na ceistean doirbhe seo againn.

Leughaidh sinn ann an Soisgeul Eòin gun do chuir daoine ceistean cruaidh air Ìosa agus gun tug e freagairtean firinneach dhaibh. Mar thorradh air sin thrèig cuid e a bha deònach a leantainn roimhe. Mar sin, dh'fhaighnich Ìosa air an dà fhear dheug, "Am bu toil leibhse falbh cuideachd?" Fhreagair Sìmon Peadar gu dàna, mar bu nòs dha, "A Thighearna, cò thuige a thèid sinn? Is ann agadsa a tha faclan na beatha sìorraidh." (Eòin 6: 68). Le bhith a' leantainn Ìosa, chì sinn gu bheil ceistean cruaidh ann fhathast. Le bhith a' leantainn Ìosa, chì sinn tro chreideamh gur esan an Tì a rèiteachas ar ceistean le tiodhlac faclan na beatha.

Dèanamaid ùrnaigh:

A Dhè bheò

a rèiteachas a h-uile sìon tro Chrìosd,  
tha sinn a' tighinn thugad  
le ceistean ar latha.

Tha sinn a' sireadh an Tì a dh'èisteachas rinn  
agus aig a bheil cuimhne oirnn nar n-iomgain.

A Thighearna, na do thròcair,  
èist ri ar n-ùrnaigh.

A Dhè bheò

a rèiteachas a h-uile sìon tro Chrìosd,  
tha sinn a' tighinn thugad

a' sireadh fuasgladh do cheistean na beatha, agus tha sinn a' tighinn maille ri feadhainn eile.

Deònaich gun cluinn sinn thu tro ghleadhraich an latha.

A Thighearna, na do thròcair,  
èist ri ar n-ùrnaigh.

A Dhè bheò  
a rèiteachas a h-uile sìon tro Chrìosd,  
tha sinn a' tighinn thugad  
leis na ceistean cruaidh,  
an fheadhainn nach tèid am fuasgladh leinn fhìn.  
Deònaich dhuinn gràs gus na ceistean sin a ghiùlan.  
A Thighearna, na do thròcair,  
èist ri ar n-ùrnaigh.

A Dhè bheò  
a rèiteachas a h-uile sìon tro Chrìosd,  
tha sinn a' tighinn thugad  
oir is ann agadsa a tha faclan na beatha.  
Deònaich dhuinn gràs gus ar creideamh a chur annad,  
agus deònaich gum bifios againn gur thusa Tì Naomh Dhè.  
A Thighearna, na do thròcair,  
èist ri ar n-ùrnaigh.

Soidhnichte:

- An Ceart Urramach Morair Uallas, Moderàtor Àrd-Sheanadh Eaglais na h-Alba
- Am Fìor Urramach Leo Cushley, Àrd-Easbaig Chill Rìmhinn agus Dùn Èideann
- Am Fìor Urramach Marcus Strange, Primus as leth Colaiste nan Easbaigean, Eaglais Easbaigeach na h-Alba
- An t-Urramach Oll. Daibhidh Miller, Eaglais Shaor Aonaichte na h-Alba
- An t-Urramach Niall MacMhaoilein, Moderàtor, an Eaglais Shaor
- An t-Urramach Pòl Whittle, Eaglais Ath-Leasaichte Aonaichte (Alba)
- An t-Urramach Màrtainn Hodson, Àrd-Stiùiriche, Aonadh Baisteach na h-Alba
- An t-Urramach Marcus Slaney, Cathraiche Roinn-Dùthcha, Eaglais nam Methodach (Alba)

- An t-Urramach Tòmas R. Wilson, Cathraiche, Caidreachas Co-thionalach ann an Alba
- Lt. Col. Carol Bailey, Rùnaire na h-Alba, Feachd na Slàinte
- Adwao Bittle, Comann nan Caraidean (Cuagairean)
- An t-Urramach Claire Fender, Àrd-Neach-Stiùiridh Roinn-Dùthcha, Eileanan Bhreatainn, Eaglais an Nàsaraich
- Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais Chrìosdal air Saoradh le Dia
- Easbaig Francis Alao, Eaglais Dhè (Alba)/ Eaglaisean nam mìon-shluagh còmhla ann an Alba (MECTIS)
- An t-Urramach Fred Drummond, Stiùiriche, Caidreachas Soisgeulach (Alba)